

# Papur y Bwrdd

9 Gorffennaf 2014

<b>Teitl y Papur:</b>	<b>Ymgynghoriad ynglŷn â gwaith Cyfoeth Naturiol Cymru yn stocio eog, stocio eog gan bartion eraill, a dyfodol deorfeydd Cyfoeth Naturiol Cymru</b>
<b>Cyfeirnod y Papur:</b>	<b>NRW B B 57.14</b>
<b>Paratowyd y Papur gan:</b>	Joanne Sherwood, Jennifer Dack a Julian Bray

<b>Pwrpas y Papur:</b>	<b>Gwybodaeth</b>
<b>Argymhelliad:</b>	Nodi'r ymateb i'r ymgynghoriad a'r camau nesaf ar gyfer adolygu gwaith Cyfoeth Naturiol Cymru yn stocio eog, stocio eog gan bartion eraill a dyfodol deorfeydd Cyfoeth Naturiol Cymru.
<b>Angen Penderfyniad:</b>	Na – Gwybodaeth yn unig

<b>Effaith:</b> Noder – efallai na fydd pob pennawd yn berthnasol i'r pwnc	<p><b>Effaith ar yr Amgylchedd:</b> Mae pysgod angen dŵr o ansawdd da a digon ohono ac maent yn ddangosydd allweddol o berfformiad ecolegol ac ansawdd amgylcheddol.</p> <p><b>Effaith ar yr Economi:</b> Mae gan bysgodfeydd Cymru rôl bwysig o ran darparu swyddi ac incwm ym meysydd pysgota masnachol a hamdden, rheoli pysgodfeydd a thwristiaeth.</p> <p><b>Effaith ar y Gymuned:</b> Gall pysgod fod yn bwysig o ran ennyn diddordeb pobl yn eu hamgylchedd, addysg a darparu cyfleoedd hamdden a manteision iechyd cysylltiedig.</p> <p><b>Effaith ar Wybodaeth:</b> Rydym angen sylfaen dystiolaeth gadarn ar gyfer rhoi cyngor i Lywodraeth Cymru ar bolisi pysgodfeydd, i lywio penderfyniadau Cyfoeth Naturiol Cymru ar reoli pysgodfeydd ac i lywio trafodaethau gyda phartneriaid a chyd-ddarparwyr.</p>
--	--

## **Pwnc**

1. Mae'r papur hwn yn darparu crynodeb o'r ymatebion i'r ymgynghoriad ac yn nodi'r camau nesaf ar gyfer adolygu gwaith Cyfoeth Naturiol Cymru yn stocio eog, stocio eog gan bartïon eraill a dyfodol deorfeydd Cyfoeth Naturiol Cymru.

## **Cefndir**

2. Fel sefydliad newydd, mae Cyfoeth Naturiol Cymru yn adolygu llawer o agweddau o'r gwaith rydyn ni'n ei wneud i sicrhau eu bod yn cyflawni mor effeithiol â phosibl er budd pobl, yr economi a'r amgylchedd. Mae hyn yn cynnwys adolygu ein gweithgaredd presennol o ran stocio eog, a gweithgareddau deorfeydd yn y gysylltiedig â hynny.
3. Er mwyn helpu Cyfoeth Naturiol Cymru i wneud unrhyw benderfyniadau terfynol ar waith stocio eog a gweithgareddau deorfeydd, lansiwyd ymgynghoriad cyhoeddus 12 wythnos ddydd Mawrth 4 Mawrth 2014. Roedd hwn yn gofyn am sylwadau ar argymhellion yr adolygiad ac unrhyw dystiolaeth arall i lywio ein penderfyniad terfynol.

## **Yr ymgynghoriad**

4. Pan ddaeth yr ymgynghoriad i ben ar 27 Mai 2014 roedd dros 100 o ymatebwyr wedi darparu adborth ysgrifenedig. Daeth tua 25% o'r ymatebion gan sefydliadau a'r gweddill gan unigolion.
5. Derbyniwyd llawer o'r ymatebion yn ystod wythnos olaf yr ymgynghoriad.
6. Roedd yr ymatebion yn amrywio o un paragraff i dudalennau lawer.
7. Rydym angen digon o amser i ystyried yr ymatebion i lywio'r penderfyniad terfynol. Rydym, felly, yn bwriadu cyflwyno'r papur penderfynu gerbron cyfarfod mis Hydref o Fwrdd Cyfoeth Naturiol Cymru.

## **Camau Nesaf**

8. Sefydlwyd Grŵp Gorchwyl a Gorffen i asesu'r ymatebion i'r ymgynghoriad a sut y gallant lywio ein penderfyniad.
9. Bydd crynodeb o'r ymatebion yn cael ei roi ar ein gwefan yn dilyn asesiad cychwynnol o'r adborth.

10. Byddwn yn cysylltu â phawb a ymatebodd i'r ymgynghoriad i'w cynghori ar ein hamserlen ar gyfer penderfyniad.
11. Fel rhan o'r asesiad o ymatebion i'r ymgynghoriad byddwn yn nodi materion arwyddocaol, nad ydynt yn ymwneud â stocio eog a gweithgareddau deorfeydd, y mae'n fwy priodol i dimau neu raglenni eraill o fewn Cyfoeth Naturiol Cymru ymdrin â nhw.
12. Rydym hefyd wedi dechrau asesu ymarferoldeb addasu safle Cynrig ar gyfer ymchwil dŵr croyw a physgodfeydd. Byddwn yn ymchwilio i botensial partneriaethau gyda sefydliadau academiaidd yng Nghymru neu gyrff ymchwil eraill er mwyn datblygu ac ariannu gwaith yn Cynrig.
13. Rydym yn cynnig gweithio gyda phrifysgol yng Nghymru, sydd â phrofiad o weithio ar gynigion o'r fath, i ddatblygu achos busnes ar gyfer prosiect cynhwysol a fydd yn cael ei gyflwyno i Swyddfa Cyllid Ewropeaidd Cymru.
14. Yn dilyn dadansoddi'r ymatebion byddwn yn cyflwyno adolygiad ac argymhellion terfynol i'r Tîm Gweithredol.
15. Wrth aros am yr adolygiad, yr argymhellion a'r penderfyniad terfynol, bydd Cyfoeth Naturiol Cymru yn parhau i reoli amseriad casglu'r stoc magu yn briodol. Bydd unrhyw stoc magu a gesglir cyn y penderfyniad terfynol yn parhau drwy'r cylch gweithredol arferol.

## **Risgiau**

16. Mae angen i ni sicrhau bod y sylfaen dystiolaeth orau gennym i benderfynu ar ganlyniad terfynol yr adolygiad.
17. Mae angen i ni egluro'r penderfyniad a'r dystiolaeth a ddefnyddiwyd i gyrraedd y penderfyniad hwnnw.
18. Mae angen i ni reoli'r camau nesaf sy'n deillio o'r penderfyniad.

### **Cyfiawnhad Ariannol**

19. Sicrhau ein bod ni'n defnyddio ein polisïau a'n hadnoddau i sicrhau'r canlyniadau gorau i'r amgylchedd.

### **Cyfathrebu**

20. Bydd yna ystod eang o anghenion cyfathrebu mewnol ac allanol yn gysylltiedig â'r adolygiad hwn. Rydym yn datblygu cynllun cyfathrebu i bennu sut y byddwn yn rheoli'r rhain.

### **Asesiad o'r Effaith ar Gydraddoldeb (AEG)**

Amherthnasol